

萬有文庫
第一集一千種
王雲五主編

齊民要術
(一)
賈思勰著

商務印書館發行



齊 民 要 術

(一)

賈思勰著

學基叢書

齊民要術序

史記曰：齊人無蓋，藏如淳注曰：齊無貴賤，故謂之齊人者。古今言平人也。

蓋神農爲耒耜，以利天下。堯命四子敬授民時，舜命后稷食爲政首。禹制土田，萬國作乂。殷周之盛，詩書所述，要在安民富而教之。管子曰：一農不耕，民有飢者；一女不織，民有寒者。倉廩實，知禮節；衣食足，知榮辱。丈人曰：四體不勤，五穀不分，孰爲夫子？傳曰：人生在勤，勤則不匱。語曰：力能勝貧，謹能勝禍。蓋言勤力可以不貧，謹身可以避禍。故李悝爲魏文侯作盡地力之教，國以富強。秦孝公用商君急耕戰之賞，傾奪鄰國而雄諸侯。淮南子曰：聖人不恥身之賤也。愧道之不行也，不憂令之長短也。而憂百姓之窮，是故禹爲治水，以身解於陽汎之河；湯由苦旱，以身禱於桑林之祭。神農憔悴，堯瘦癯，舜黎黑，禹胼胝。由此觀之，則聖人之憂勞百姓亦甚矣。故自天子以下，至於庶人，四肢不勤，思慮不用，而事治求贍者，未之聞也。故田者不強，困倉不盈，將相不強，功烈不成。仲長子曰：天爲之時，而我不農，穀亦不可得而取之。青春至焉，時雨降焉，始之耕田，終之篋篋。惰者釜之，勤者鍾之。矧夫不爲而尚乎食也哉？譙子曰：朝發而夕異宿，勤則菜盈傾筐，且苟有羽毛不織不衣，不能茹草飲水，不耕不食，安可以不自力哉？晁錯曰：聖王在上，而民不凍不飢者，非能耕而食之，織而衣之，爲開其資財之道也。夫寒之於衣，不待輕綏；飢之於食，不待甘旨。飢寒至身，不顧廉恥。一日不再食，則飢終歲不製衣，則寒。夫腹飢不得食，體寒不得衣，慈母不能保其子，君

亦安能以有民夫珠玉金銀飢不可食寒不可衣粟米布帛一日不得而飢寒至是故明君貴五穀而賤金玉劉陶曰民可百年無貨不可一朝有飢故食爲至急陳思王曰寒者不貪尺玉而思短褐飢者不願千金而美一食千金尺玉至貴而不若一食短褐之惡者物時有所急也誠哉言乎神農倉頡聖人者也其於事也有所不能矣故趙過始爲牛耕實勝耒耜之利蔡倫立意造紙豈方縑牘之煩且耿壽昌之常平倉桑弘羊之均輸法益國利民不朽之術也諺曰智如禹湯不如常耕是以樊遲請學稼孔子答曰吾不如老農然則聖賢之智猶有所未達而況於凡庸者乎猗頓魯窮士聞陶朱公富問術焉告之曰欲速富畜五犧乃畜牛羊子息萬計九真廬江不知牛耕每致困乏任延王景乃令鑄作田器教之墾闢歲歲開廣百姓充給燉煌不曉作耰犁及種人牛功力旣費而收穀更少皇甫隆乃教作耩犁所省庸力過半得穀加五又燉煌俗婦女作裙蠻縮如羊腸用布一匹隆又禁改之所省復不貲炙充爲桂陽令俗不種桑無蠶織絲麻之利類皆以麻枲頭貯衣民惰窳羊主切少麤履足多剖裂血出盛冬皆然火燎炙充教民益種桑柘養蠶織履復令種綺麻數年之間大賴其利衣履溫緩今江南知桑蠶織履皆充之教也五原土宜麻枲而俗不知織績民冬月無衣種細草臥其中見吏則衣草而出崔寔爲作紡績織紝之具以教民得以免寒苦安在不教乎黃霸爲潁川使郵亭鄉官皆畜雞豚以贍鰥寡貧窮者及務耕桑節用殖財種樹鰥寡孤獨有死無以葬者鄉部書言霸具爲區處某所大木可以爲棺某亭豚子可以祭吏往皆

如言龔遂爲渤海勸民務農桑.令口種一株榆.百本薤.五十本葱.一畦韭.家二母彘.五母雞.民有帶持刀劍者.使賣劍買牛.賣刀買犢.曰何爲帶牛佩犢.春夏不得不趣田畝.秋冬課收斂益蓄果實.菱芡.吏民皆富實.召信臣爲南陽.好爲民興利.務在富之.躬勸耕農.出入阡陌.止舍離鄉亭.稀有安居時行視郡中水泉.開通溝瀆.起水門.堤閼凡數十處.以廣溉灌.民得其利.蓄積有餘.禁止嫁娶送終奢靡.務出於儉約.郡中莫不耕稼力田.吏民親愛信臣.號曰召父.僅種爲不其令.率民養一豬.雌雞四頭.以供祭祀.死買棺木.顏裴爲京兆.乃令整阡陌.樹桑果.又課以閑月取材.使得轉相教匠作車.又課民無牛者.令畜豬.投貴時賣以買牛.始者民以爲煩.一二年間.家有丁車大牛.整頓豐足.王丹家累千金.好施與周人之急.每歲時農收後.察其強力收多者.輒歷載酒肴.從而勞之.便於田頭樹下飲食勸勉之.因留其餘肴而去.其惰嬾者獨不見勞.各自恥不能致丹.其後無不力田者.聚落以至殷富.杜畿爲河東.課民畜犚牛草馬.下逮雞豚.皆有章程.家家豐實.此等豈好爲煩擾.而輕費損哉.蓋以庸人之性.率之則自力.縱之則惰窳耳.故仲長子曰.叢林之下.爲倉庾之坻.魚鼈之堦.爲耕稼之場者.此君長所用心也.是以太公封而斥鹵播嘉穀.鄭白成而關中無飢年.蓋食魚鼈而蔽澤之形可見.觀草木而肥磽之勢可知.又曰.稼穡不修.桑果不茂.畜產不肥.鞭之可也.柂落不完.垣牆不牢.掃除不淨.笞之可也.此督課之方也.且天子親耕.皇后親蠶.况夫田父而懷窳惰乎.李衡於武陵龍陽汛洲上作宅.種甘橘千樹.臨死勑兒曰.吾州里有千頭木奴.不責

汝衣食歲上一匹絹亦可足用矣。吳末甘橘成歲得絹數千匹。恆稱太史公所謂江陵千樹橘與千戶侯等者也。樊重欲作器物先種梓漆時人嗤之然積以歲月皆得其用向之笑者咸求假焉。此種植之不可已已也。諺曰一年之計莫如樹穀十年之計莫如樹木此之謂也。書曰稼穡之艱難孝經曰用天之道因地之利謹身節用以養父母論語曰百姓不足君孰與足漢文帝曰朕爲天下守財矣安敢妄用哉。孔子曰居家理治可移於官然則家猶國國猶家是以家貧則思良妻國亂則思良相其義一也。夫財貨之生既艱難矣用之又無節凡人之性好懶惰矣率之又不篤加以政令失所水旱爲災一穀不登齒腐相繼古今同患所不能止也嗟乎且飢者有過甚之願渴者有兼量之情既飽而後輕食既暖而後輕衣或由年穀豐穰而忽於蓄積或由布帛優贍而輕於施與窮窶之來所由有漸故管子曰桀有天下而用不足湯有七十二里而用有餘天非獨爲湯雨菽粟也蓋言用之以節仲長子曰鮑魚之肆不自以氣爲臭四夷之人不自以食爲異生習使之然也居積習之中見生然之事夫孰自知非者也斯何異蓼中之蟲而不知藍之甘乎今採捃經傳爰及歌謠詢之老成驗之行事起自耕農終於醯醢資生之業靡不畢書號曰齊民要術凡九十二篇分爲十卷卷首皆有目錄於文雖煩尋覽差易其有五穀果蔬非中國所殖者存其名目而已種蒔之法蓋無聞焉捨本逐末賢哲所非日富歲貧飢寒之漸故商賈之事闕而不錄花草之流可以悅目徒有春花而無秋實匹諸浮僞蓋不足存鄙意曉示家童未敢聞之有識故丁寧周至。言提其耳每事指斥不尙浮辭覽者無或嗤焉。

雜說

夫治生之道不仕則農若昧於田疇則多匱乏只如稼穡之力雖未逮於老農規畫之間竊自同於后稷所爲之術條列後行

凡人家營田須量己力寧可少好不可多惡假如一具牛總營得小畝三頃據齊地大畝一頃三十五畝也每年二易必莫頻種其雜田地即是來年穀資欲善其事先利其器悅以使人人忘其勞且須調習器械務令快利秣飼牛畜事須肥健撫恤其人常遣歡悅觀其地勢乾濕得所示凡收了先耕蕎麥地次耕餘地務遣深細不得趁多看乾濕隨時蓋磨著切見世人耕了仰著土塊並待孟春蓋若冬乏冰雪連夏亢陽徒道秋耕不堪下種無間耕得多少皆須旋蓋磨如法如一具牛兩個月秋耕計得小畝三頃經冬加料餵至十二月內卽須排比農具使足一入正月初未開陽氣上卽更蓋所耕得地一偏凡田地中不良有薄者卽須加糞糞地其踏糞法凡人家秋收治田後場上所有穰穀穢等並須收貯一處每日布牛脚下三寸厚每平旦收聚堆積之還依前布之經宿卽堆聚計經冬一具牛踏成三十車糞至十二月正月之間卽載糞糞地計小畝畝別用五車計糞得六畝勻攤耕蓋著未須轉起自地亢後但所耕地隨餉蓋之待一段總轉了卽橫蓋一偏計正月二月兩個月又轉一偏然後看地宜納粟先種黑地微帶下地

去城郭近務須多種菘菜茄子等且得供家有餘出賣只如十畝之地灼然良沃者選得五畝二畝半種葱二畝半種諸雜菜似邵平者種菘蘿蔔其菜每至春二月內選良沃地二畝熟種葵萐蘡作畦栽蔓菁收子至五月六月拔諸菜先熟者並須盛裏亦收子訖應空閑地種蔓菁萐蘡等看稀稠鋤其科至七月六日十四日如有車牛盡割賣之如自無車牛輪與人卽取地種秋菜葱四月種蘿蔔及葵六月種蔓菁七月種芥八月種菘二月種如擬種菘四畝留四月種並鋤十偏蔓菁芥子並鋤兩偏葵蘿蔔鋤三偏葱但倍鋤四偏白豆小豆一時種齊熟且免摘角但能依此方法卽萬不失一

萬有文庫

種千一集一第

者 篆 編 總
五 雲 王

行發館書印務商

齊民要術目錄

第一冊

卷一

耕田第一

收種第二

種穀第三

卷二

黍穄第四

粱秫第五

大豆第六

小豆第七

種麻第八

種麻子第九

大小麥第十

水稻第十一

旱稻第十二

胡麻第十三

種瓜第十四

種瓠第十五

種芋第十六

卷三

種葵第十七

蔓菁第十八

種蒜第十九

種韞第二十

種葱第二十一

種韭第二十二

種蜀芥芸薹芥子第二十三

種胡荽第二十四

種蘭香第二十五

種荳第二十六

種薑第二十七

種荷芹蘆第二十八

種苜蓿第二十九

雜說第三十

卷四

園籬第三十一

栽樹第三十二

種棗第三十三

種桃柰第三十四

種李第三十五

種梅杏第三十六

插梨第三十七

種栗第三十八

柰林檎第三十九

種柿第四十

安石榴第四十一

木瓜第四十二

種椒第四十三

種茱萸第四十四

卷五

種桑柘第四十五

種榆白楊第四十六

種棠第四十七

種穀楮第四十八

漆第四十九

第二册

槐柳楸梓梧柞第五十

種竹第五十一

貨殖第六十二

種紅藍花梔子第五十二

塗甕第六十三

種藍第五十三

造神麴并酒等第六十四

種紫草第五十四

白醪麴第六十五

伐木第五十五

笨麴并酒第六十六

卷六

法酒第六十七

養牛馬驢驥第五十六

卷八

養羊第五十七

黃衣黃蒸及蘖第六十八

養豬第五十八

常滿鹽花鹽第六十九

養雞第五十九

作醬法第七十

養鵝鴨第六十

作酢法第七十一

養魚第六十一

作豉法第七十二

八和齋第七十三

作魚酢第七十四

肺臘第七十五

羹臘法第七十六

蒸魚法第七十七

胚脂煎消法第七十八

菹綠第七十九

卷九

炙法第八十

作脾奧糟苞第八十一

餅法第八十二

燙糧法第八十三

煮糗第八十四

醴酪第八十五

殼飯第八十六

素食第八十七

作菹藏生菜法第八十八

餚餌第八十九

煮膠第九十

筆墨第九十一

卷十

五穀果蔬菜茹非中國物產者

齊民要術

卷一

耕田第一

周書曰：神農之時，天雨粟。神農遂耕而種之，作陶冶斤斧爲耒耜，鋤耨以墾草莽。然後五穀興助，百果蕃榮。一名定，篆文曰養苗之道。鋤不如耨，耨不如鏟。鏟木也。耜，未端木也。斬斫也。齊謂之鑿基。一曰斤柄，性自曲者也。田陳也。樹穀曰田象形。許慎說文曰：耒，手耕犂利也。耕，犂也。從耒，井聲。一曰古者井田。劉熙釋名曰：田墳也。五穀墳滿其中。口十阡陌之說。

耕種三歲後，根枯莖朽，以火燒之。入地盡也。耕荒畢，以鐵齒鋤，鋤，功也。其林木大者剗。烏反。更殺之，葉死不扇，便任年乃中爲穀田。凡耕高下田，不問春秋，必須燥濕得所爲佳。若水旱不調，寧燥不濕。地則粉解，溼耕墊培。

（胡洛反）數年不佳，諺曰：溼耕澤鋤，不如歸去。昔無益而有損。溼耕者白背，速鏽鏹之亦無傷。否則大惡也。春耕尋手勞人，亦名勞。曰摩，語曰耕田摩勞也。到再偏明秋耕待白背勞。如作暴蓋，言澤難遇，喜天時故也。桓寬鹽鐵論曰：茂木之下無豐草，大塊之間無美苗。凡初耕欲深，轉地欲淺，耕不深，地不熟，轉地不熟，生土也。菅茅之地，宜縱牛羊踐之。踐則根浮。七月耕之，則死非七月復生矣。凡美田之

法綠豆爲上。小豆胡麻次之。悉皆五六月中穠美懿反種。七月八月犁穢殺之爲春穀田。則畝收十石。其美與蠶矢熟糞同。凡秋收之後。牛力弱未及卽秋耕者。穀黍穄梁秫茭古末反。之下卽移羸速鋒之地。恆潤澤而不堅硬。乃至冬初常得耕勞。不患枯旱。若牛力少者。但九月十月一勞之。至春穠湯歷種亦得禮記月令曰。孟春之月。天子乃以元日祈穀於上帝。鄭玄注曰。謂上辛日郊祭天春秋傳曰。春郊祀后稷。是故啓蟄而郊。郊而后耕。上帝太微之帝。乃擇元辰。天子親載耒耜。帥三公九卿諸侯大夫躬耕帝籍。元辰蓋郊後吉辰也。帝籍爲少閒而治門戶用木。無作大事。以妨農事。孟夏之月。勞農勸民。無或失時。重力勞。命農勉作。無休於都趣地所宜五穀所殖。以教導民田事既飭。先定準直。農乃不惑。仲春之月。耕者少舍。乃脩闔扇。舍猶止也。蟄曰閼。用竹葦曰扇。此避殺氣也。孟冬之月。天氣上騰。地氣下降。天地不通。閉藏而成冬。勞農以休息之。薰正屬民飲酒。仲冬之月。土事無作。慎無發蓋。無發屋室。地氣且泄。是謂發天地之房。諸蟄則死。民必疾疫。大陰用事尤重。閉藏按今世有十月十一月耕者。季冬之月。命田官告人出五種。命田官告民出種。大寒過農事將起也。命農計耦耕事脩。耒耜具。田器寸。田器鑿基之屬。是月也。日窮於次。月窮於紀。星迴於天。數將幾終。言日月星辰運行至此月皆匝於故會。次舍也。紀猶舍也。歲且更始。專而農民之心。令人預有思於辦稼之事。不可徭役。則志散失其業也。孟子曰。士之仕也。猶農夫之耕也。越岐注曰。言仕之爲不可。魏文侯曰。民春以

力耕夏以強耘秋以收斂雜陰陽書曰亥爲天倉耕之始呂氏春秋曰冬至後五旬七日昌生昌者百草之先生也於是始耕高誘注曰昌蒲水草也淮南子曰耕之爲事也勞織之爲事也擾擾勞之事而民不舍者知其可以衣食也人之情不能無衣食衣食之道必始於耕織物之若耕織者始初甚勞終必利也衆又曰不能耕而欲黍粱不能織而喜縫裳無其事而求其功難矣汜勝之書曰凡耕之本在於趣時和土務糞澤早鋤早穫春凍解地氣始通土一和解夏至天氣始暑陰氣始盛土復解夏至後九十日晝夜分天地氣和以此時耕田一而當五名曰膏澤皆得時功春地氣通可耕堅硬強地黑壟土輒平摩其塊以生草草生復耕之天有小雨復耕和之勿令有塊以待時所謂強土而弱之也春候地氣始通核櫟木長赤二寸埋赤見其二寸立春後土塊散上沒櫟陳根可拔此時二十日以後和氣去卽土剛以時耕一而當四和氣去耕四不當一杏始華榮輒耕輕土弱土望杏花落復耕耕輒蘭之草生有雨澤耕重蘭之土甚輕者以牛羊踐之如此則土強此謂弱土而強之也春氣未通則土歷適不保澤終歲不宜稼非糞不解慎無旱耕須草生至可種時有雨卽種土相親苗獨生草穢爛皆成良田此一耕而當五也不如此而旱耕塊硬苗穢同孔出不可鋤治反爲敗田秋無雨而耕絕土氣土堅垎名曰腊田及盛冬耕泄陰氣土枯燥名曰肺田肺田與腊田皆傷田二歲不起稼則一歲休之凡麥田常以五月耕六月再耕七月勿耕謹摩平以待種時五月耕一當三六月耕一當再若七月耕五不當一冬雨雪止輒以蘭之掩地雪勿使從風飛